

甲辰勅左僉都御史張綱整飭薊州永平山海密雲居庸邊
備兼巡撫順天永平

丙午勅諭安南勿侵占城略曰若占城起衅固為不義若王
輒興怨兵凌弱暴寡亦豈得為義乎勅至宜略小失悖大義
盡歸所掠人口戒飭邊吏毋生事邀功旋至報復

戊申封偕潞西德王徵錄通渭王公鋌永壽王陽館樂陵王
鍾鈔寧化王

夜流星自勾陳衝文昌四小星隨之

壬子夜月犯天閹星

癸丑巡撫延綏右副都御史余子俊修築剷削邊山御


甲寅禮部右侍郎劉吉為左侍郎太常寺少卿余欽為右侍
郎

乙卯秀王見澍薨王孝友溫和言動不苟年二十一無子國
除歸葬京師西山謚曰懷

巡撫山東右副都御史翁世資為戶部左侍郎太僕寺少卿
牟倅為左僉都御史巡撫山東

福建
廣東
左布政使劉敷張瑄為右副都御史巡撫浙江福建

戊午勅宣城伯衛穎守備鳳陽



辛酉命進士趙英等百二十四人歸省

都指揮同知王信為署都督僉事


壬戌北卜字羅來降貢馬八十五匹授廣東前衛千戶

癸亥平卜將軍武靖侯趙輔叅贊軍務右都御史王越上言
河套袤二千餘里從征見卒僅一萬邊騎亦然調遣不足須
京營山陝精兵十五萬分道並進宜區畫芻餉以待議者云
延綏窮極重為科徵恐生內衅暫退守散見卒量留精銳就
糧廊延等城沿邊軍民悉令內徙其寇經之路設坑塹密置
釘板蒺藜山巔多置烽火余子俊鑿山築牆其寧夏花馬池

高橋平漠難築宜令都御史馬文升除廷章等于鹽池萌城
等處浚濠築塙所調甘涼兵亦量留精銳就糧固原等城廷
議謂其怯命仍下趙輔等計之

卜犯遼東定遠堡左叅將都指揮周俊等追之而遁踰旬以
二千騎入俊等追至亮子河斬八級

十月丙寅邊報異同命趙輔等及寧夏總兵游擊等各議方略
乙亥前趙州訓導張傑卒傑字世英鳳翔人正統辛酉貢士
講學厲行親喪不復仕嘗曰讀孔孟書學孔孟事知有未真
行有未至惟日孜孜以求其所無負也其勤厲如此年五十



二未及著書郡守趙博立祠于家塾之左學者多默齋先生
丁丑趙輔言搜套之難莫若防守省兵費節安民俱便請還
兵圖後舉王越言如此^之兵部謂輔欺悞宜逮治俟郭鏜勘上
定畫

戊寅夜月食

戊子夜流星自參宿行至狼星三小星隨之

己丑通政司左叅政楊樞為太僕寺卿

夜流星自女床行至天市垣

入延綏靜鎮堡殺千戶黃宗

十一月庚子都督同知鮑政為平羌將軍總兵官鎮守甘肅

戊申工部右侍郎李鼐病去

己酉南京太僕寺少卿魯崇志為應天府尹

趙輔疾免晉寧伯劉聚為平^一將軍總兵官赴延綏

總督漕運右僉都御史張鵬專巡視淮揚

兵科給事中郭鏜還朝奏邊事旨下切責王越

詹事府兼翰林學士李泰卒泰香河人嗣伯父司禮太監永


昌正統戊辰進士館選授編修頗向學景泰間進左司直郎

歷右中允尚寶司丞侍讀侍講學士少詹事性獨僻寡合所

國權

成化八年

大



善萬安汲引直閣自謂公輔可指取年四十三贈禮部左侍郎賜祭葬

廖道南曰予讀小說家見唐有皮思謙者自中常侍魚朝恩之寵登高科歷顯仕未有身為其後獲居宥密如李泰者也嗟乎翰林清要貴重匪宿儒不可以斯人踐斯地豈非子殿國師齊之辱乎

鎮守甘肅總兵官東寧伯焦壽卒故事番將不總兵雖衛所亦然天順初恭順侯吳瑾掌軍府成化初廣義伯吳琮鎮寧夏沿為例

辛亥曉刻木星入房宿

癸丑曉刻木星犯鈎鈴

應天府尹彭信卒信仁和人景泰辛未進士館選授御史進

順天府丞

丙辰廣德長公主下嫁駙馬都尉樊凱

丁巳巡撫北畿右副都御史陳濂總督漕運

戊午減光祿寺魚課等物


十二月癸亥朔前中軍都督僉事戚斌卒

甲子陳桓嗣泰寧侯陳經子

國權

成化八年

十九



丙寅山西左布政使葉冕為右副都御史巡撫河間

郭嵩嗣定襄伯郭登侄

庚午免真定田租

癸酉賑京城飢民

夜西南黑氣如矛曰天鋒

甲戌知縣江弘濟為陝西道御史

廣寧侯宋讓卒

戊寅南京戶部尚書陳翼卒翼虹縣人正統丙辰進士授戶部主事進郎中歷山西右布政使進撫寧夏南京戶部左侍

郎所至以幹辦稱司南計首劾免汚吏司屬為肅

庚辰內傳起服尚寶司卿朱奎光祿寺丞顧本儒士杜昌直

內府書

乙酉曉刻月犯氐宿

丙戌曉刻月犯東咸下星

昏刻金星犯壘壁陣東第六星


戊子右府帶俸保定伯孟昂卒

入興武營夏寧總兵官范瑾戰沙井追至沙窩伏發力戰

敗之擒二人斬八級

國權 成化八年

辛



國權

成化九年癸巳

正月乙未平下將軍劉聚值下花馬池擊斬三級

戊戌巡撫貴州右副都御史秦敬疾卒

庚子夜月犯天街下星

壬寅河南按察使宋欽為右僉都御史巡撫貴州

癸卯游擊將軍黃壘叅將神英等擊下于漫天嶺斬三級


丁未 上南郊

國權

成化九年

一

國家圖書館, NATIONAL CENTRAL LIBRARY, TAIWAN, R.O.C.



戊申太原地震聲如雷

庚戌游擊將軍孫鉞黃璽等遇卜劉家塢擊斬五十級追至井油山卜據險拒戰三日而走又追至北磨川斬十九級

壬子錦衣衛越獄武靖侯趙輔還自延綏被劾不問

劉聚等還至雙山高家堡卜入牛坡峰敗之追至漫天嶺擒

四人斬百四十七級

免武昌田租三十一萬八千六百餘石

丙辰海溢免海康等田租三千石有奇

戊午命衛所運糧軍餘餉視正軍

宥張元吉成還里科道言其罪不問

庚申右僉都御史李侃致仕東安人洪武壬戌進士歷官太常寺丞外艱哀毀骨立景泰初也先寇畿甸親寓容城晝夜號哭乞假冒訪從之母晚暮侃講史傳以悅其意比終哀毀如喪父其至性有過人者

辛酉秦府永壽王公鋌薨年三十六謚康定


命順天府尹賑貧勸農桑

二月壬戌朔守備偏頭關都指揮戴廣報卜入紅沙烟敗之追

至石人村斬十九級

國權 成化九年

二



戊辰夜金星並月 免太原大同田租三十八萬四千餘石
庚午太子少保吏部尚書姚夔卒夔字大章桐廬人正統壬
戌進士授吏科給事中遇事敢言景泰初擢南京刑部右侍
郎踰年改南京禮部考察雲南還朝留禮部天順初改南京
刑部尋改禮部左侍郎改吏部進禮部尚書己丑改禮吏部
留意今尤慎黜陟凡大事集議夔一言而決豪傑慷慨不拘
拘細節佐時練務類唐杜黃裳未免通餽謝見疵議也然時
罕其比矣年六十贈少保謚文敏
辛未水旱免順天河間保定田租六萬八千七百餘石

壬申翰林侍讀學士江朝宗憂去

丁丑梓宋儒朱熹通鑑綱目附尹起莘發明上序之

戊寅以旱災免平陽澤潞遼沁田租三十萬二千五百餘石

南京中軍都督同知翁信卒江都人嘗鎮廣東專貨利

乙酉戶部右侍郎黃琮卒將樂人正統己未進士授戶部主
事歷任以幹治稱

卜入寧邊整


三月癸巳寧夏地震

甲子南京右副都御史胡拱辰提督操江

國權

成化九年

三



濟南長山鄒平臨邑等縣晝晦

丙申鎮遠侯顧淳卒

丁犯廣寧左衛總兵官歐信失信

戊戌鄭府左長史江萬程奏鄭王祈鑿踈世子屢諫移怒臣

命英國公張懋太監王允中勅諭之

己亥吏部左侍郎尹旻為尚書右侍郎葉盛為左侍郎初王

翱李秉俱北人彭時在閣李秉滿歲去北人詆南黨善傾故

用崔恭南人又不悅尋憂去姚夔典銓五年北人謂斬却姚

夔頭去祭王翱墓尹旻代之時又指北黨

約論日記有之近臣守知宰正百官非謂臣人者當和衷

守王公命賞于天而不私耶天帝臣不蔽簡天下才為天

下用在帝心惟命又何以南北睽也奧極微有向而言者

簧鼓瀾激靡為可畏哉風始于初以濫觴迄于

今悲夫

遣御史刷吏牘聶友良洪性往南京龔盛浙江程宏江西馬


震福建魏秉四川樊瑩湖廣其雲貴遼東萬全都司巡檢御

史兼焉

庚子始遣御史巡河東益

國權

成化九年



壬寅減雲南銀課十之五

進福寧縣為州

癸卯知縣強珍劉璋胡喬胡琮劉璟李珪為監察御史

免淮安及徐邳宿亳虹靈壁田租

乙巳夜南京大風雨拔太廟社稷壇樹

黃花鎮西水峪野火燬林木勢及天壽山京營兵萬人救之

返風而滅

戊申旌廬州知府朱鏞大名知府熊祥陝西按察僉事任福

南昌同知李泰冀州知州胡瑛綏德知州郝清臨江通判王

維台州通判孔彥綸隴州同知張翊城武知縣黃達曲陽知

縣喬良賜誥勅

壬子量減宣府中鹽米數

乙卯增築宣府雞鳴山至道二堡

丙辰曉刻木星犯東咸星

丁巳免長沙常德荆岳辰田租六十萬二千九百餘石


庚申賑畿內山東

柳州潯梧等盜起殺通判郭暉

四月辛酉朔享太廟午刻日食

國權 成化九年

五



壬戌威州知州何淵有威惠屢次勦羗夷任九年軍民德之
留任

福餘三衛糾海西女直犯義州廣寧副總兵韓斌等馳擊累
敗之于興中小孤山斬六十餘級

癸亥都指揮崔勝等敗之于南塔兒山斬九級

丙寅右僉都御史徐廷章為右副都御史巡撫延綏

土魯番迷檀阿力侵哈密據其城王母署國有威嚴能馭眾

阿密約其同掠赤斤蒙古王母不從遂執王母及金印以去

丁卯琉球入貢

山東大風紅光燭地俄晦如夜移時乃復

戊辰盡免山東今年田租遣禮部左侍郎劉吉祭東岳東鎮

東海

己巳延綏游擊將軍都指揮僉事黃璽為總兵官鎮守寧夏

壬申總理河道刑部左侍郎王恕改南京戶部左侍郎

浙江按察副使呂政提督織幣驗不如法降為貴州布政使

右叅議


徙南京神機營于城外

甲戌命涼州副總兵趙英等各還鎮初以搜套集延綏竟寢

國權

咸化九年

六



乙亥京師雨土

己卯封聰泰博野王成鈴寧津王成舒棗強王成缺饒陽王
恩銅益陽王榮濠通山王

司設監太監沈繪下獄繪怙寵稔惡後踈外怨望私蓄兵器
論死

夜金星犯五諸侯

辛巳誅新會人劉銘梁狗旌吳金童妻莊氏為烈婦銘狗販
穀海康金童移家附其舟還止銘舍銘狗美莊氏犯而不受
回挈金童漁殺之投江中因犯莊氏拒益力居無何屍流于

門識之得刃跡痛不能報抱幼女投水死屍繞銘不去事聞
立石墓所梟銘狗以狗


壬午 上御西苑閱諸將騎射矢三中僅四人再中僅二十
三人車中九十九人餘皆否又多失馳勒控弦之節切責撫
寧侯朱永等

丙戌勅赤斤蒙古等衛以土魯番速檀阿力侵據哈密唇亡
齒寒不可不慮宜結鄰援勿聽其諂

五月壬辰南京大理寺左評事章懋為福建按察僉事

甲午暹羅國入貢

國權 成化九年



庚子傳陞都督僉事李王白玉都督同知

北平章哈失帖木兒滿都魯子來降授廣州前衛正千戶
南京吏部左侍郎范理卒理字道濟天台人宣德甲申進士
令江陵有惠政擢德安知府治如江陵進福建右叅政歷貴
州左布政使南京工部右侍郎清慎有吏幹更優文藝著讀
史脩志詩經集解年六十六賜祭葬
壬寅南京刑部主事張衍同巡撫牟倬賑山東撥鹽引百萬
臨清粟十萬以往行道山東貽倬書救飢倬即薦之
丁未協守陝西都督僉事楊銘貪暴逮入京成貴州

乙酉夜木星犯鉤鈴

辛亥進直閣商輅戶部尚書萬安禮部尚書

寧夏地震


丁巳京師雨雹

戊午起前禮部右侍郎倪謙翰林侍讀學士錢溥于南京
上念其舊勞科道交劾不聽

六月乙丑昏刻木星犯房宿

丙寅禮部右侍郎劉吉還自山東奏祭告海瀆已得雨

丁卯蜀府汶川王友塘薨年五十謚懿簡



已巳叅贊軍務右都御史王越上守禦三策以陝西計之平涼固原寔要地都指揮僉事王璽謀勇歷戰近充寧夏副將徒擁虛名乞假以總兵鎮守庶可成功以延綏計之見年二萬一千堪戰不及五千若練土兵可得萬六千山西游兵三千宜屯灰溝營還大同游兵三千在大同右衛或朔州互援以寧夏計之官軍經戰少下輒肆侮宜令總兵官范瑾游擊將軍祝雄等練士值下深入與固原靖下慶陽併力夾擊上命劉聚駐固原王越往來調遣

壬申漕運叅將錦衣帶俸都指揮同知袁佑卒額上人世南

京留守衛指揮同知轉漕十餘年善撫士卒特予祭

癸酉月犯建星

甲戌蘭谿大水

乙亥寧晉伯劉聚世襲進王越少保余子俊左副都御史神

英都督僉事

丙子下犯薊鎮左叅將李銘追之失利


丁丑知縣洪冕孫緝康文為南京監察御史

巳卯免陝西夏稅

癸未順天府尹李裕為右副都御史總督漕運

國權 成化九年

九



犯遠東義州都指揮僉事常凱等追戰東長嶺斬九級

河間蝗廣平順德大名真定保定懷慶大水

七月辛卯浙江布政司左叅政邢簡為順天府尹

南京盜因風雨入都察院劫囚三人出

壬辰勅都督同知李文右通政劉文往甘肅規復哈密

癸巳左軍都督府囚逸

太原地震

丁酉慶府安塞王秩炅卒王通敏嗜書自稱滄洲野客著隨筆二十卷有氣槩標格雖不甚雅馴而才情宏肆世之人未

有知也年四十謚宣靖

應城伯孫繼光貪暴僭侈奪爵免

壬寅提學監察御史閻禹錫乞免諸生追廩之例從之

上寇榆林澗署都督僉事許寧等擊斬二十九級擒十人


庚戌東直火

水旱免應天安慶徽池去年田租九萬四千八百餘石

癸丑冊皇妹隆慶長公主駙馬都尉游泰尚之

顧溥嗣鎮遠侯顧淳從弟

復設蘇松常鎮通判縣丞



甲寅免彰德衛輝去年田租六萬六千八百餘石

乙卯葉縣知縣宋璽有善治薦進泗州知州

丙辰知縣劉瓚黃本徐溥為御史

八月壬戌翰林編脩謝鐸言臣奉命校資治通鑑綱目畢竊謂宋神宗集是書而不能講理宗講是書而不能用百世而下未免追歎 陛下今日莫先于講學孔子曰知仁勇天下之德達是書所載必若漢昭帝辨上官傑之詐以伸霍光庶可謂知而苛察非也必若漢文帝割鄧通之私以從申屠嘉庶可謂仁而姑息非也必若唐憲宗不沮群議議卒用裴度以

收淮蔡而亢暴非也 陛下汲汲于是書誠反此心力求天

下之賢而用之增益此知擴克此仁堅忍此勇以常享太平

之業章下所司

山東大水旱蝗

丁卯署都督僉事劉清為鎮朔將軍總兵官鎮守宣府

戊辰刑部尚書陸瑜致仕

己巳改右副都御史殷謙巡撫宣府右僉都御史鄭寧巡撫

大同


前前軍都督同知楊茂卒武昌人世

副千戶累功成化

國權

成化九年

十一



初督運有稱

壬申令阮廷珪食縣丞祿廷珪父遷平自安南隆官順慶知府晚寓宣城廷珪乞官特許之

癸酉鎮守松潘都指揮僉事堯或按察副使沈琮勳白馬路等番寨大克之斬三百十六級

丁丑兵部尚書白圭憂去

前少詹事兼翰林學士柯潛卒潛字孟時莆田人景泰辛未進士第一授脩撰明年進右中允丙子進洗馬天順初改尚寶少卿俱兼脩撰上即位拜翰林學士進少詹事憂去


神峻整高介有節峭厲詩亦有致

廖道南曰予游翰林見有亭一區曰柯亭有柏二曰柯學士柏何其流風遺澤永夫弗護也蓋孤介之節剛正之氣所漸被者遠矣

戊寅大理寺卿王槩為刑部尚書

己卯右部右侍郎陳俊改吏部左通政劉昭為工部右侍郎湖廣左布政使杜銘為戶部右侍郎

廣西南丹州土官莫必勝攻劫荔波縣又賊常萬釋流劫天河懷遠桂平羅城義寧武緣柳城岑溪



九月辛卯鎮守浙江內官李義杖斃寧波衛指揮馬璋宥之

套卜 亂加思蘭寇常州左都御史王越偵卜 盡行老弱巢紅
藍池可取也率總兵許寧游擊周玉以輕騎各四千六百晝
夜馳三百餘里襲擊之斬三百五十五級獲女穉畜產甲械
以萬計焚其廬帳比午卜 外返大哭亟追我越結陣徐行再
設伏敗之卜 始出套徒帳二千里

辛丑各鎮兵會常州至紅城左哨游擊緱謙祝雄擊卜 敗之
右哨副總兵王壘周賢又敗之卜 棄輜重遁

丙午脩永平伯夷叔齊廟曰清節致祭從知府王壘之請

丁未錄遼東義州將士功副總兵韓斌等陞賞有差

戊申封豪城遼王世子堉鎮平王仕棟潞城王覲錐鍾陵王

芝坦新城王芝坂湯陰王

己酉曉刻流星自中天行至近濁

壬子勅各邊都御史整飭邊備

光州地震

丙辰免大名夏稅


丁巳定南京都城隍太常寺致祭

南京前軍都督僉事阮勤卒江都人世 衛指揮同知

國權

成化九年

十三



工部右侍郎喬毅卒樂平人正統戊辰進士館選授吏科給事中寬和質直不矯飾賜祭葬

十月庚申增順天河間淮安揚州通判各一

甲子夜金星犯左執法

癸酉曉刻月食免朝

起復戶部左侍郎原傑巡視江西

夜月犯畢宿

丙子土魯番速檀阿力等入貢

丁丑焦俊嗣東寧伯

焦壽弟

戊寅旌贛州知府謝景衢州同知魏安賜告身

壬午魯王泰堪薨年六十三謚曰惠

免平陽夏稅麥二十五萬八千八百四十餘石

甲申河西務濟河廠火


卜犯加思蘭白花馬池復入陝西慶陽

十一月甲午刑部右侍郎董方為右都御史

丙申蜀府華陽王友璋薨年五十一謚康簡

丁酉復閱射西苑把總指揮安通等九人以枉矢及定襄伯

郭嵩安鄉伯張寧富陽伯李興成安伯郭鏞以不任俱免



庚子傳陞尚寶司卿朱奎任道遜光祿寺少卿李淳戶部郎
中張福尚寶司少卿汪賢昂汪容陳洛等俱光祿寺丞金溥
王恒顧本禮部員外郎王願中書舍人張苗徐淮俱進級
辛丑前寧夏總兵都督同知張泰卒合肥人世 衛指揮
使秦守寧夏十三年隨 應變未嘗大敗稱善守云賜祭葬
戊申諭內閣編纂宋元續通鑑綱目回分七館編纂太常寺
卿兼侍讀學士劉珣學士王獻侍讀學士彭華侍講學士楊
守陳尹直左庶子黎淳左諭德謝一夔脩撰鄭環劉健汪諧
羅璋編脩程敏政陸簡林瀚及明年侍講學士邱濬入則八

館云

癸丑戶部右侍郎杜銘為工部左侍郎

甲寅免河間田租二萬九千三百餘石

乙卯鬻河東鹽四十萬引濟山西飢

長沙湘潭盜起殺指揮韓輔

温州礦盜流劫福建

十二月己未刑部左侍郎魯曾輩予告


辛酉武進伯朱雲卒

丁卯錦衣衛都指揮同知袁彬乞母祭葬特許之

國權

成化九年

十五



已巳山東京運邊運計一百二十餘萬石止徵二十萬留支
本省

壬申賜山海關中山王徐達祠曰顯功

遣工科給事中韓文勳常州功陝西紀功兵部員外郎張謹
劾諸將濫殺冒級也

癸酉兵部尚書白圭奔喪畢回任

前軍都督僉事白玘鎮守陝西

戊寅暫停徵畿內山東河南民馬


復設陝西河州及文縣禮縣

癸未免大免順德真定廣平永平田租十一萬六千餘石

乙酉重脩南京靈谷寺

是年張悅為浙江提學僉事試士不糊名曰我尚自疑何以
示信

陳善曰惟大賢不以形迹自固彼以道義為御史節為藩
籬安所事形迹哉今糊名易書往々而是亡敢以張公自
任者甚則墨印襲封委籍于下是欲以安屬鈴已也於乎
形迹甚矣毋亦世變使然不得不爾耶



國權

成化十年甲午

正月癸巳巡撫陝西延綏馬文升余子俊薦延安府經歷徐彬

華州判官陳琦宜川縣丞董敬米脂縣丞吳瓘試安定知縣

琦試安化知縣敬試通渭知縣瓘試洛川知縣

福建地震

丙申遼東苑馬寺卿劉璉卒大興人正統乙丑進士授刑科

給事中性剛介被讐自光祿卿調遼東未完其才時論惜之


國權


成化十年

一

[Faint bleed-through text from the reverse side of the page, including characters like 國權, 成化, 巡撫, 延綏, 馬文升, 徐彬, 陳琦, 董敬, 米脂, 吳瓘, 通渭, 洛川, 苑馬, 劉璉, 大興, 光祿, 調遼, 未完, 其才, 時論, 惜之.]

國家圖書館, NATIONAL CENTRAL LIBRARY, TAIWAN, R.O.C.





丁酉 上南郊

癸卯勅左都御史王越專駐固原總督諸路兵馬士紳休沐
甲辰西番安定王領真儀即爾入貢

丙午卜警少弭散遣沿河客兵召還寧晉伯劉聚紀功郎中
張謹

巳酉 英廟賢妃王氏薨年四十五謚昭肅靖端

辛亥重給朵顏衛印署衛知院脫火赤言印為毛里孩掠之

壬子授哈密頭目脫不花指揮僉事暫居甘州苦峪城

甲寅南京大風雷雨

朵顏三衛夷犯開原右叅將周俊追出塞百餘里斬十一人

明日追五十餘里斬六級

松潘番賊攻燬金瓶堡

二月丙辰朔免各巡撫赴京議事

戊午靖安伯和勇卒勇祖和寧王阿魯台宣德九年被殺子

阿卜只奄來降拜中軍左都督襲錦衣指揮使累功至左

都督成化初封爵雖降胡性廉謹兩廣之役人々危其橐勇

循理守朴文武大臣愧之

已未南京大雨雪傷麥

國權 成化十年

癸亥以浙江江西折漕銀濟邊遼東陝西各十萬金大同八萬宣府六萬榆林三萬密雲一萬

木邦宣慰司夷婦曩罕美聚眾劫掠雲南總兵黔國公沐琮等累撫不從

甲子大雨雪

己巳旌岷府安昌王膺鋪孝行岷王音望風疾膺鋪侍湯藥不刻離

定郡王將軍以下邸宅差等未五十年毋輒葺治從荊州知府趙璉議

辛未巡撫直隸甘肅右副都御史葉冕婁良大同左僉都御史鄭寧並劾罷


甲戌右都御史董方巡撫大同右副都御史張鑿巡撫河間陝西左布政使朱英為右副都御史巡撫甘肅

乙亥南京工部右侍郎蕭彞有罪劾免

丁丑土魯番入貢

設遷曰安南免占城土魯番克哈密俱罔上稱兵而貢獻之使仍絡繹于道也狡夷政不當狎視耳

三月丙戌朔罷總督兩廣軍務右都御史韓雍初鎮守廣西右



少監黃沁憚雍不得肆布政使何宜拘迂按察副使張敷婪
暴以見輕同沁刺其短沁訐奏玩寇不勦且貪慾宴飲濫賞
妄費多不法命禮科給事中張謙刑部郎中蔡麟按之勒致
任雍在鎮盡平劇寇迄數十年無大患即小盜出沒功浮于
罪坐私忌免時論不平兩廣人至今思之

免淮安鳳陽徐州去年夏稅六萬三千石有奇


辛卯崇王見澤之國汝寧

壬辰故豐城侯李賢追封豐國公謚惠憲

癸巳吏部左侍郎葉盛卒盛字與中崑山人正統乙丑進士

授兵科給事中精白風采景泰壬申進山西右叅政協理獨
石時八城俱毀僅餘一毀垣盛鼎新之蒐伍課屯一軍為雄
進右僉都御史撫兩廣移宣府益課屯田增築堡七百餘俱
著疆場績歷禮部右侍郎有文武才所著書惟水東日記存
年五十五謚文莊賜祭塋崇禎末追贈尚書

袁衷曰才之難兼久矣或以文學顯或以節行著而葉公
兼之可不謂難乎方居諫垣時嘗對伏讀彈文詞氣慷慨
國家有大利害必言之無少避忌巡撫兩廣還舟無私載
篋中惟書史檢家人匣得一葛即投江中兩鎮北邊其所




經略至于今猶賴之斯亦可以折衝矣好古博學郁乎
文章揆之于古希文徒亞哉
劉鳳曰盛為諫官屢廷諍引是非指用事者數忤不顧其
誠真哉然才寔能經變圖慮緩急可仗當夷下並興折衝
之任恒交揆之作鎮方陞遂乘勝千里邊候不疎其所規
置鴟繕用恢崇我王略迄于今是賴可謂重臣矣哉嘗有
所保任吳禎以事敗遂終其身無所薦初以人倫鑒士歸
向卒乃謂以虛詞借故謗議及之若其恬于榮利每進皆
以危殆委之忘身殉節官下豈易能乎

何喬遠曰葉盛朱英並遵詩書之軌而善戎圍之務純誠
正直好賢而援古斐然有其文質矣郡歸有先曰廣東布
政使王用蕪叅議盛思禹並葉公同縣人見嶺南人語葉
公往皆流涕

甲午巡撫湖廣右副都御史吳琛總督兩廣軍務兼理巡撫
丁酉工科給事中韓文勘陝西報功虛妄巡撫馬文升游擊
將軍維謙指揮劉琮奪俸三月餘半年

已亥巡撫浙江右副都御史劉敷改湖廣

甲辰太監覃勤同傅恭總督五軍營



限建州等衛貢額歲不過八九百人成化八年後千二百人
蒙古等衛都督僉事昆藏等以土魯番速檀阿力書招降縛
其使三人并書回都督同知李文右通政劉文以聞乞調漢
兵數千人助討

丁未行人徐舟楊徽知縣陳璉戴中為監察御史

已酉朱霖嗣武進伯 朱雲弟

四川大風雷雨

庚戌大應法王劄寶已死造塔禮科給事中王坦疏止不聽
壬子水災免壽泗和霍邱等去年田租三萬七千三百餘石


甲寅免武昌漢陽常德長沙黃辰衡去年租五十萬有奇

四月壬辰琉球國入貢

盜入裕州劫印

癸亥寧晉伯劉聚卒清豐人太監永誠從子得錦衣千戶歷
都督河套功追封尋世襲雖藉閣尹力亦効行間黃草梁之
役事且殆賴牙兵力捍而脫賜祭塋贈寧晉侯謚威勇

設遷曰中貴子弟叅伍疆場從幕下雍容治簿書上功雜
取金緋脩執金吾足矣寧晉屢經戰陣與斬將賽旗之賞
要不可泯沒亦何至茅土世哉最後逆魏效之連進公



侯君子以作事謀始詢乎

甲子刑部尚書王槩上處置條例十事行之

丙寅旱災免太原平陽虛糧八十二萬五百七十七石

增雲南解額五人

己巳東光妖人劉通等伏誅俱妖書悞人命都察院榜書目

禁諭天下

壬申南京禮部主事林孟和調慶陽通判孟和劾右侍郎倪

謙徇情市恩臣不為能其屬乞調免 上責其虛詞詆毀

前巡撫蘇松左副都御史宋傑卒定興人進士授兵科給事

中惟性和易有量

乙亥巡撫山東左僉都御史牟俸等乞留倉糧二十萬石折

銀五萬八千六百金賑飢命借臨德六萬石麥稔止

丁丑水災免鳳陽淮安揚廬去年田租十九萬五千餘石


戊寅趙府襄邑王見瀟薨年十七謚懷簡

岷州番入寇殺千戶包景

己卯錦衣衛帶俸指揮使李俊為署都指揮僉事分守涼州

辛巳巡撫河南右副都御史楊璿卒無錫人正統己未進士

授戶部主事通敏有操治官如家撫荆襄流民賑京畿飢疫



人猶思之不已

壬午封聰煉武邑王見濞盟津王見湏東垣王
鶴慶軍民府地震

五月丙戌流星自北河行至近濁

戊子巡撫山西邊關右副都御史雷復卒寧遠人正統丙辰
進士館選授行人擢御史短于敷奏遷廣西副使歷任俱奉
法循矩

壬寅旱灾免西安平涼慶陽鳳翔延安去年夏稅四十五萬
三千二百六十五石有奇

癸卯增江西布政司叅議南昌吉安撫袁饒臨通判俱管糧
丁未鎮遠府大水

戊申前南京右副都御史羅篔簹卒南昌人進士授御史

庚戌增順天永平勸農通判各州判官各縣主簿

癸丑許臨清鎮守都督僉事王信兼理民訟

六月壬戌武靖侯趙輔世襲伯爵

巡撫福建右副都御史張瑄巡撫河南


癸亥太常寺卿劉珣為吏部右侍郎仍直經筵工部左侍郎

杜銘改刑部

國權

成化十年

八



甲子錄延綏戰功進王越太子少保余子俊右都御史許寧
署都督同知劉寵後軍都督僉事周玉後軍署都督僉事張
遐太監餘陞賞有差

乙丑工部右侍郎王紹為左侍郎右通政程萬里為右侍郎
筦易州山廠

丁卯旌韓府襄陵王範址孝行王嘗割股療母年七十五每
祭墓躬培土哀慟

壬申行人崔廷圭余統為南京監察御史
南京右僉都御史張鵬為右副都御史巡撫寧夏起林聰南

癸酉免湖州去年田租十一萬二千二百五十石馬草八萬
八千六百五十餘束

甲戌前南京刑部右侍郎林鶚服除復任

進士李孟暘陳壽蕭顯馬孔惠劉懋為監察御史


戊寅內臣張端工部右侍郎劉昭疏京城溝渠

右軍右都督王鎮卒密雲人 皇太后父有世德鎮重厚清

謹雖戚畹不改其素

己卯翰林檢討吳希賢為脩撰

辛巳知縣汪奎行人胡敬為監察御史



巡撫淮揚右副都御史陳濂卒鄞縣人 乙丑進士授南

京刑部主事坦夷信實

癸未翰林侍講學士邱濬起復入朝

閏六月己丑劉祿嗣寧晉伯 劉聚子

辛卯太傅會昌侯孫繼宗被劾辭營務許之

壬辰衡州安仁縣大霖雨壞人畜

癸巳夜月犯房宿

乙未命英國公張懋筦五軍營定西侯蔣琬撫寧侯朱永筦

團營

庚子南京後府武安侯鄭宏兼總操江

辛丑工部尚書王復滿九年考留任

乙巳錦衣衛正千戶馬俊為指揮僉事俊從李文劉文之使

哈密也奉勅諭土魯番速檀阿力語不遜明日他往留俊月

餘其妹婿牙木蘭自哈密使夜至言我兵三萬在甘州且見

討阿力懼始容待俊出哈密王母與語王母以左右皆番不

敢語弟詭曰故城殘破不欲還至夜傳語曰為我懇 天朝


收復哈密我老嫗死不足惜明日阿力使人同俊入貢過哈

密舊城土人潛從歸者五百人

國權

成化十年

十



巡撫延撫右都御史余子俊築邊城東自清水營紫金砦西
距寧夏花馬池延蔓二千里每二三里起對角敵臺累不
絕空處牆築如月狀以偵下避射堡十二崖砦八百十有九
大墩十五次墩七十八成卒四萬九千二百五十馬二萬四
千四百四十六

薛應旂曰白圭搜套之策王越沮之不行而余子俊脩築邊
牆之說先後相踵費財何止百萬而浮沙易傾邊牆寔未
嘗有惟剗削設險法庶可行耳邊臣屢以築牆請朝廷屢
發帑金輦載相繼無一言邊牆虛費者夫秦築長城且平

漫矣而謂浮沙可築也自非虛歷其地者固難與言也


趙時春曰以河套空虛千餘里饒行恐其螫下擢余子俊
巡撫延綏城榆林拓城益兵為正奇游三軍三千人伺
下北渡分孟仲季月各一軍蒐套大獲鳥獸財物魚鹽以
贍軍我富強而下無敢渡河後河東巡鹽御史王謂套
益阻池鹽論罷總兵官延綏師廢蒐套而韃靼勅居矣尚
書臨汾張潤云

七月甲寅朔再給署太常寺事禮部左侍郎萬祺誥命祺前焚

盜已失復給之始

國權 成化十年

土



旱災免南昌田租八十六萬四千一百七十餘石

已未諭延綏等處嚴飭邊備

辛酉漳州大水

庚午免應天朔州大同懷仁山陰去年夏稅麥二萬六千二

十餘石

總督王越疾痊還朝

甲戌遼王豪城以嫡長子思鏞卒繼妃馮氏妾曹氏無子宜

殉葬不許

八月甲申戶部尚書楊鼎謙定淮安臨清徐德倉糧

丁亥先是安南調兵越雲南之廣南鎮安遂勅安南國王黎

灝毋輕調夷兵驚擾邊境黎灝遣偽禮部尚書阮弘毓刑部

右侍郎沂仁壽入貢復言占城朝議惡其反覆留使者不遣

已丑署太常寺事禮部左侍郎萬祺憂去


命太監劉恒都督同知趙勝簡兵待發時亂加思蘭窺邊

辛卯都督同知趙勝為平下將軍總兵官領萬騎禦亂加思

蘭太監劉恒監軍

前鎮守臨清右副都御史孫曰良卒良豐城人永樂辛未進

士授御史出守交州治最正統初超廣西右布政使憂去起



總督廣西兵務又憂去起鎮臨清所在被惠有古循吏風年

八十七賜祭葬

壬辰戶科給事中張海西征紀功

癸巳起復周洪謨補國子祭酒

都督王義領叅將往宣府分擊卜寇

甲午工部右侍郎王詔都督同知芮城督脩南苑

乙未晉府永和王鍾鈇薨年三十一謚順僖

進士李暹董彛為翰林檢討侍徽州

卜入德勝口殺把總指揮劉文

戊戌秦府臨潼王公銘薨年四十四謚惠簡

庚子博野縣祀宋儒程頤程顥程氏五世祖羽自博野徙洛

陽博野知縣裴泰疏請

丙午旌廣東按察副使孔鏞僉事陶魯林錦


壬子刑部尚書王繫卒繫字同節廬陵人正統壬戌進士授

主事歷河南右叅政按察使善決獄滯案立空天順初被誣

下獄襄王瞻塏才之入朝具陳吏民呼籲狀則仍任進右副

都御史撫陝西入大理卿轉尚書雋邁剝厲負才氣好面責

人嘗擠李秉代陸瑜君子惜之賜祭葬謚恭毅



赤斤蒙古衛左都督賞卜答兒等欲攻阿年番番族甘肅總
兵鮑政檄責之

九月癸丑朔日食不朝

甲寅南京吏部左侍郎章綸憂去

乙卯免蘇松常鎮田租四十三萬四千六百石

丙辰代府隰川王遜燦薨年四十六謚懿安

庚申命侯伯新襲及駙年少俱入太學

戊辰卜三百餘騎入青山口

前右軍署右都督白玉卒玉先寧夏指揮使深諳卜情其鎮

陝西有區畫燕謹不肆

己巳鶴慶軍民府地震日十有五

十月乙酉旌青州知府李昂湖廣按察僉事尚褫浙江按察僉

事周正方河南同知吉慶真定通判傅恕順德通判李觀故


城知縣杜中陽城知縣耿昇錢塘知縣謝頻賜誥勅

丙戌增山東勸農叅政

丁亥浙江左布政使張瓚為右副都御史巡撫四川


戊子瀋府陵川王佶燿薨年六十八謚康肅

己丑翰林院侍讀倪岳上言邊事京營之兵素為冗怯臨陣




縮胸反墮邊兵之功望敵奔潰久為人所侮宜留鎮京師
以壯根本願乃輕于出禦以褻天威且延綏邊也去京師遠
宣大亦邊也去京師近彼有門庭之鑰此無陛楯之嚴可乎
頃兵部議宣府出兵五千大同出兵萬人併力援延綏相去
既遠往返不逮人心厭于轉移馬力罷于奔軼况聲東擊西
卜人奸態擣虛批吭兵家奧策精銳既盡而西老弱乃留于
北萬一北或有倣彼未可離首尾受敵遠近坐困謂為得計
乎臣聞軍旅之用糧餉為先今延綏屯兵乃以山西河南民
任飛芻輓粟之役仰閔而西徒步千里夫運而妻供父輓而

子荷道路愁怨井落空虛幸而至也東芻有錢斗米倍直不
幸遇賊身已下矣他尚何計輸將不足則有輕賈輕賣不足
又有預徵嗚呼水旱不可先知豐歉未能逆卜如之何其可
也至今民輸芻粟補官然權貴或出空牒而授之而倉庾無
斗合之人令民輸粟補盜然豪右率占虛名而踴之而商賈
費倍獲之利官給日濫盜法日阻邊儲不充如故也且平日
人粟一升馬芻一粟而行軍終日或一二堡或三四城豈能
俱給哉而典守悉以給數報罔上病下莫此為甚由是觀之
徒委西顧之憂于陛下誰盡心効力者乎采之建白往



據指掌之圖肆胸臆之見率謂復受降之故險守東勝之故
城則東西之聲援可通彼此之犄角易制是非不善也第二
城之廢棄既久地形之險易未知况欲復城河北以為之守
屯兵塞外以為之助出孤遠之軍涉荒漠之地輜重為累
饋餉為艱軍食之絕一敗塗地其有懷敵愾之心馳伊吾之
志者率為統十萬之眾累半月之糧奮揚威武掃盪腥羶使
河套一空邊陲永靖是亦非不善也然帝王之兵以全取勝
孫吳之法以逸待勞今欲鼓勇前行窮搜遠擊乘危履險徼
倖萬一運糧遠隨則重不及事提兵深入則孤不可援况其

間地方千里綿亘無際彼或往來遷徙掩襲衝突一酋安望
于成禽中國復至于大創矣至有謂必剪建州除朵顏乘勝
而西遂平河套夫祖宗于建州朵顏諸衛不過羈縻保塞以
困吾圉今若是將使戎狄生心藩籬頓壞是果何知識為失
策甚至謂昔以東勝不可守既以棄東勝今之延綏不易守
不若棄延綏則兵民可以息肩關陝得以安枕夫一民尺土
皆受于祖宗不可忽也向失東勝故今日之害萃于延綏而
關陝騷動今棄延綏則他日之害集于關陝而京師震驚賊
募民壯逾近而莫支禍逾大而難救此寔寡謀故爾大謬為



今之計曰重將權以一統制而責成功增城堡廣斥堠以保
衆而疑賊募民壯去客兵以弭患而費省明賞嚴間諜以立
兵紀而偵卜情寔屯田復漕運以足兵食而紓民力此則計
之得也

哈密右都督罕慎暫治苦峪城都督同知李文右通政劉文
以復哈密調赤斤罕二衛兵至卜隆吉兒川俄聞亦郎骨東
俺奔白河兒酋長那南奔等以四千騎伺二衛兵發襲之因
還二衛使自守或曰文等懼番駐苦峪不前謬言阿力虛還
二衛之兵王母卒金印卒不返

設遷曰哈密可復乎曰可復而當時未得其策也漢屯田
車師設都護戍已校尉錯羗夷而受節制所以斷匈奴右
臂焉今哈密已潰輕兵戍之道遠不任餉惟二衛之力是
藉果二衛批其吭我兵為後勅此大漢之已事也李文等
虎視番芻視哈密嘉峪之外果足而不敢西其言如風影
不足信國家縱乏人何至今巾幗之流蒙面而受事也嗟
無及矣


丙申光祿寺火燬白粢萬餘石

戊戌兵部左侍郎李震奔喪仍回任

國權

成化十年

十七



已亥發內帑鈔三百三十一萬貫償大興宛平鋪戶買辦

辛丑增兩廣右叅議僉事各一專理迺卒

癸卯左春坊左庶子兼翰林侍講徐溥服除進少詹事兼侍講學士

停遼東黑山淘金巡撫右副都御史彭誼言永樂中治三月上八金乃報罷

甲辰太常寺卿俞謙卒江南江都人以善書授中書舍人內直尤慎密

前南京右軍都督同知吳良卒良女直人初名完者帖木兒

國初降僑籍東光隸錦衣衛累功成化三年乞閑年九十九賜祭塋

己酉襄垣王任壻居蒲州不任勅責之

卜入大同師婆寨

十一月甲寅靈州大沙井駟自十月望地震如雷自後震者十一頃城舍

丙辰守備鳳陽宣城伯衛顥兼筦徐州歸德


庚申初留土魯番貢使于甘涼其留甘州者逸數人

壬戌出帑金三十一萬濟遼陝宣大榆林密雲

國權

成化十年

大



丙寅故朝鮮世子瑋追封朝鮮國王謚懷簡 李婁父

丁卯左都御史項忠改刑部尚書

辛未四川大寧縣逃民張某以署縣事馮丞蕭彥莊罰百金

忿甚突殺彥莊于是都察院榜禁苛罰而彥莊前評太宰李

秉今慘死群快之

壬申南京太常祠祭署祀丞劉雄奉祀汪琨並為奉祀世

襲

命英國公張懋保國公朱永襄城侯李瑾求雪

乙亥前兵部尚書孫原貞卒德興人永樂乙未進士授主事

進兵部郎中歷浙江左布政司值葉宗留之亂盡安反側進

兵部左侍郎叅贊軍務鎮浙江進尚書考察福建回留鎮尋

還浙江天順初謝歸歷著功效年八十七賜祭葬 國藉之貢

丙子免開封田租六十萬二千餘石


卜屢入榆林溝

十二月壬午朔前軍右都督李榮卒山後人世涼州衛指揮使

乙酉翰林編修程敏政為侍講

戊子巡視江西左副都御史原傑回院

中旨召守制署太常寺事禮部左侍郎萬祺吏科都給事中



徐英等疏上不聽

罷寶慶各縣淘金初設二十一場役五十五萬人武陵尤困斃亡美僅得三十五金撫按言其害請歲輸銀從之

庚寅翰林編修李東陽為侍講

甲午左都御史李賓請備錄妖書名目榜示天下從之

乙未工科右給事中陳俊使占城不果入而還俊至占城新

洲港知槃羅茶悅報于安南以私裝往市滿刺加國誘之貢

還奏命俟明年安南使至區畫

戊戌雲南按察僉事童軒進太常少太卿署欽天監事

庚子後軍署都督同知王信卒信定遠人世彰城衛千戶累

功正統初進指揮使景泰中署都指揮僉事成化二年進都

督僉事戰紅城進同知年十賜祭葬

袁袞曰王將軍好謀善戰有文武才其廉約不擾苟無纖

華廐無肥良敝袍緩帶娛意文史亦儒將之優者乎

辛丑知縣張鏞梅江雍泰為監察御史

太子少保兵部尚書白圭卒圭字宗玉南宮人正統壬戌進


士授御史從土木脫歸募兵澤州遷山西副使景泰初浙江

右叅政轉右布政天順初右副都御史巡撫湖廣平貴州叛

國權

成化十年

辛



苗拜兵部右侍郎贊畫莊浪有功遂以工部尚書出征荆襄
盜獻俘功尤偉年五十六身後諸子訟產清議誥馬贈少傅
謚恭敏

壬寅卜入馬營齊家溝宣府游擊將軍署都督僉事周玉敗
之斬十一級

癸卯械自宮者五十四人


丙午刑部尚書項忠改兵部巡撫大同右都御史董方為刑
部尚書


國子祭酒周洪謨上言選官限近地王府官得遷轉吏部覆
寢之又言藥矢之利南人射虎豹即死若射馬甚便命各
邊製焉

王鏞嗣成山伯 王通之孫


貴州王經同鎮遠通判楊瑄攻茅坪賊戰江上死之贈瑄叅
議大夫鎮遠同知廕子入監

右副都御史畢亨開吳淞江衛十四丈深丈二尺自夏界口
至西莊家港嘉定分浚六千三百五十三丈六尺崑山浚五
千三百五十三丈七尺共役四萬六千八百三十人





國家圖書館, NATIONAL CENTRAL LIBRARY, TAIWAN, R.O.C.



國子祭酒周洪謨請增 文廟樂器群臣各立家廟從之

戊寅定西侯蔣琬會選團營兵

二月癸未詔閉河南宜陽等縣衛銀洞

甲申申酷刑之禁

乙酉少詹事兼翰林學士徐溥侍講學士彭華主禮闈華避

家嫌改侍講學士邱濬

戊子翰林侍講學士楊守陳憂去

宋愷嗣西寧侯 宋讓子


壬辰夜流星東至尾宿二小星隨之

國權

成化十一年

二

國家圖書館, NATIONAL CENTRAL LIBRARY, TAIWAN, R.O.C.



癸巳後軍都督同知顏彪卒益城人世真定衛指揮同知自偏裨至大將無他才曰人成事

乙未夜月食

丙申勅諭王魯番速檀阿力還哈密王母歸城印朕一切不問其甘肅暫留人貨待事定日護送解仇釋怨定爾國無窮之利視據守空城自阻道路其得失無難辨者爾其圖之

丁酉行人謝秉中徐鏞陳遵毅周藩何舜賓李珊周滂太常博士李廷詩知縣張銳李繩王弼為試監察御史舜賓珊滂

紀弼南南京

庚子兵部左侍郎張文質為工部尚書仍署通政司事

癸卯曉刻月犯牛宿大星

兵部左侍郎李震卒宛平人進士館選授工科給事中性醇

朴歷任無廢政滯侍郎凡二十年

甲辰遼府輔國將軍豪壩嗣長陽王

乙巳左都御史李賓進太子少保同左僉都御史王越兼提

督團營


丙午唐午新野王芝城薨年四十三謚恭簡

三月庚戌朔廷策貢士王鏊等三百人賜謝遷劉王鏊等進

國權

成化十一年

三



士及第出身有差

甲寅勅南京吏部尚書崔恭叅贊機務

乙卯刑部左侍郎杜銘提督山西備邊

昏刺月犯井宿

丁巳南京右副都御史胡拱辰為南京兵部右侍郎

戊午免鳳陽廬滁去年田租四萬六千餘石

己未琉球入貢

前工部尚書兼大理寺卿趙榮卒榮字孟仁閩縣人能書授
中書舍人正統己巳使營進大理右少卿假鴻臚寺卿同

王復往還改太常少卿景泰初拜工部右侍郎同楊善使瓦

刺駕旋進左侍郎天順初進尚書督衆平曹欽勅兼大理寺

卿榮才善濟變不事紛擾年六十賜祭葬

辛酉十入大同右叅將李鎬等等敗之斬九級


壬戌寧晉伯劉祿卒祿幼嗣爵未久止予祭不輟朝著為令

癸亥停徵畿內逋租時遣戶部郎中林孟喬以御史諫緩之

戊辰遣御史清軍胡敬江西楊俊湖廣黃傑陝西馬震山東

楊徵山西徐完河南何純四川邱山廣東廣西陳璉南畿江

南樊瑩江北王衡畿內



壬午工部員外郎張敏脩京城至張灣運道

少保文淵閣大學士彭時卒時字純道安福人正統戊辰進士第一授脩撰己巳直閣進侍讀景泰初終制見忤服除還翰院易儲遷左春坊大學士尋太常少卿天順初仍直閣至今官端謹和介立朝三十年非有疾未嘗不在公學本經術值大事持正得大臣體年六十贈太師謚文憲

袁衷曰彭公敬慎靜淵歷事三朝寅亮匪懈世稱賢相其所建論皆深切時弊同商文毅實相伯仲云
丙子昏刻流星自紫微東藩行至近濁

四月庚辰伊王誤釁薨年二十五謚曰悼

蜀府德陽王友城薨年四十五謚僖安


翰林張頤為脩撰

大同總兵官彰武伯楊信奪歲祿以代王許其不法遣按多失寶然頗侵餉出疆耕牧致寇仍代府長史俸三月

癸未設河南寶豐商城二縣

乙酉戶部尚書商輅兼文淵閣大學士吏部左侍郎劉珣禮部左侍郎劉吉俱兼翰林學士直閣

勅建州頭目勿侵朝鮮初朝鮮助討建州李滿住故滿住遺



孽糾毛憐等侵擾

丁亥定琉球二年一貢

辛卯日色赤申刻如赭

禁遷安縣開礦

壬辰夜乾清宮門火

丙申魯府鎮國將軍陽鉢陽鉢與護衛指揮鮑珣淨地

赴奏切責遣還

甲辰重作乾清宮門

丁未增畿內管屯僉事注山東按察司

五月己酉朔知縣高安胡璘為監察御史

免鎮江田租五萬八千八百餘石

壬子免龍溪南靖漳浦長泰田租二萬三百餘石

甲寅滿刺加國王蘇丹范速沙入貢


乙卯昏刻月犯明堂中星

己未金星晝見

辛酉勅黔國公沐琮曉諭安南國王黎顯安南貢由廣西鎮

守太監錢能令指揮郭景自雲南往安南陪臣何瑄等上章

即假道入兵部謂非故事故有是命



國家圖書館, NATIONAL CENTRAL LIBRARY, TAIWAN, R.O.C.

乙丑兵部言景泰初立團營後迄今才逾二紀虧額七萬五千七百有奇冒餉如故命核之

丁卯上召皇子于西宮嘗覽鏡浩歎近侍竊曰官家憂

皇子耶上頷之近侍曰西宮皇子六歲矣復何憂駭問

得其故大悅立至西宮萬貴妃驚曰何不我知也具服稱賀

召皇子入昭德宮遷紀氏永壽宮請定策少俟之上手

書名玉牒曰祐樞越數日出皇子于文華門群臣入謁

戊辰流星自閣道旁行至雲中

己巳中軍都督同知張欽卒大興人世留守右衛指揮僉事

辛未免上元江寧句容江浦六合懷寧桐城潛山太湖宿松

望江貴池安慶建陽銅陵建德東流去年田租六萬三千七

百餘石

壬申游擊將軍周玉為副總兵鎮守宣府

癸酉免武昌漢陽德安常德黃岳荆蘄田租二十萬九千七


百石有奇

六月乙卯寬延綏班軍之期季冬河凍赴戍季春河開寧家

壬午蘭州地震

楊爰襲播州宣慰使 楊輝子

國權 成化十一年



乙酉卯刻日生左右珥重輝

劉福嗣寧晉伯 劉祿弟

丁亥獎襄陵王冲秋女清澗縣主并孫輔國將軍徵鏊婦王氏孝行

己丑水災免六合舒城合肥五河太和通州高郵如臯興化泰興儀真江都及和州田租十三萬有奇

癸巳定廣西土官襲職限平年內定名會奏

戊戌北下滿魯都等入貢馬九千五百五十餘人勅太監覃平通事都指揮詹昇往諭以五百人入京


庚子南京右都御史林聰兼提督操江

行人宋經知縣劉魁王景為試監察御史進士邱璐為南京吏科給事中

鎮守大同都督同知曹安卒定遠人世大興左衛指揮使

癸卯大學士商輅等言聞 皇子母曰疾別居久不得見望就近以居 皇子仍貴妃撫育俾朝夕接見以遂母子之情

至是疾是甚萬貴妃故驕妬西宮事非其意也一日觴紀氏疾作司禮太監黃賜張敏以太醫使方賢治中吳銜藥之貴妃即請賜黃袍俾生見次日少間不召醫至大故



于慎行璧玉塵云 太子迎入東朝貴妃即賜紀氏死或

曰自縊萬歷甲戌一老中官為予說

兵部右侍郎滕昭為左侍郎巡撫湖廣右副都御史劉敷贊

理軍務

甲辰免平陽田租二十八萬一千二百石有奇

湖廣總兵官左都督李震等請討沅靖叛苗徵雲貴川湖兵

八月進師兵部謂輕舉不許

乙巳 皇子生母紀氏薨是日天為赤中外疑之大學士商

輅援宋李宸妃事謚恭恪莊僖輟三日朝妃廣西賀縣人中

軍都督福斌女年數歲入宮弘治初內廷言本出李氏入宮

時悞為紀故遂稱紀氏

七月庚戌晚刻金星犯天鐔

知縣王崇之陳鼎余金為御史

癸丑通政司左通政劉俊為南京太僕寺卿

戊午錦衣衛指揮使萬貴卒貴諸城人起縣吏謫徙霸州女

入宮拜貴妃蒙殊寵貴頗守禮法戒其子驕侈曰賜家賜物


皆注于歷他日追償無及也子三喜通達俱官錦衣通姿甚

庫申朶顏等三衛請開馬市不許

國權

成化十一年

九



辛酉增靖寧秦州河州判官蘭州金縣丞收糧

壬戌唐王瓊燿年六十四謚曰憲

癸亥益趙王見濟歲祿五千石不為例舊三萬石以祖訓

止萬石屢加請

浚杭州西湖

丙寅脩南京太廟

戊辰曉刻金星犯土星

己巳曉刻有大星自北斗魁中行至近濁二小星隨之

甲戌曉刻火星犯積薪

乙亥廣西副總兵署都督僉事夏正卒

人世茂州衛指

揮僉事征滿四功

八月辛巳勅平江伯陳銳右副都御史李裕戶部左侍郎翁世

資工部左侍郎王詔浚舊通惠河


癸未曉刻火星入鬼宿

甲申曉刻大星犯積尸氣

戶科給事中勞玘乞省墓不許因定朝臣十年歸省

代府靈邱王遜烜薨年六十三謚榮順

丁亥還陝西巡茶御史仍遣行人二



北滿魯都加思蘭丞相板忽猛可並入貢亂加思蘭女
遠滿魯都欲稱可汗殺謀滿魯都立幹赤來滿魯都知而索
之匿不與

癸巳中旨真人喻道純父宗敬追贈太常丞寺

甲午夜雷電雨雪

丙申曉刻月犯天高星

丁酉曉刻金星犯靈臺

安南入貢

戊戌閉秦州銀礦

庚子曉刻金星犯太微垣上將

辛丑黎顯奏先占城國王槃羅茶全侵化州弟槃羅茶悅弒
之自立子茶質苔來又弒之臣遵命息兵還男婦七百四十
餘人仍賜勅諭

壬寅恭恪莊僖紀淑妃塋西山

癸卯曉刻月犯靈臺下星

翰林編脩謝鐸為侍讀


九月丁未朔日食

戊申定銅錢折俸錢二文折鈔一貫

國權

成化十一年

十一



巳酉浚山東大小清河

庚戌秦府保安州王公鍊薨年四十一謚莊簡

辛亥陳州知州戴昕秩滿民乞留任進俸二級

癸丑夜金星犯左執法

甲寅知縣楊謚熊翀為御史

旌石阡知府楊榮晉州判官張綱賜誥勅

乙卯群臣請立皇太子不允表三上許之

丁巳都督僉事白玉為副總兵鎮守廣西

巳未改廣西荔波縣轄慶遠府舊屬南丹州

省右副都御史畢亨翰林學士錢溥罪初溥家居販官益亨

以巡按檄蘇州派買至是事聞服罪

壬戌選進楊茂元等刑部聽訊如正統例

癸亥月犯畢宿


丙寅襄垣王仕壘鎮國將軍仕境等仕埭坐瀆亂廢為庶人

庚午四川嘉定南溪捷為及威遠諸衛地震

辛未翰林編修倪岳為侍讀

十月巳卯勅英國公張懋等以下滿魯都僭稱可汗吞并練營

兵聽征



庚辰馬顯服除仍南京兵部右侍郎

辛巳月犯建星牛宿

癸未增通州河道工部郎中

巳丑行人馬曠為南京監察御史

辛卯月犯天高東星

壬辰月犯月司怪南星

癸巳巳犯井宿

乙未火星犯靈臺

丙申監生歷事分科貢納粟

壬寅禮部左侍郎萬祺改工部筦易州廠

十癸卯免順天田租三萬三千九百餘石

十一月庚戌命羽林前衛都指揮僉事錢瑾守倫歸德

癸丑立皇太子祐禮詔赦天下

甲寅巡撫甘肅右副都御史朱英總督兩廣軍務兼巡撫

丙辰定南京及各布政司進奏禮儀先是南京御史楊成言

進表值雨各官多不至或擁蓋或先回禮部覆從之


丁巳大賚朝臣

傳陞太監黃賜弟賓錦衣衛指揮僉事

國權

成化十一年

五



戊午月犯畢宿

丙寅吏禮部右侍郎陳俊俞欽俱左侍郎右副都御史黃鎬

右通政程萬里侍讀學士尹直左副都御史馬文升為吏戶

禮兵部右侍郎萬里出中旨

庚午傳陞太常寺少卿孫廣安為寺卿

辛巳戶部郎中祁順行人左司副張瑾使朝鮮禮部郎中樂

十章行人張廷綱使安南頒詔

十二月丙子朔巡撫延綏右都御史余子俊改陝西南京兵部

右侍郎胡拱辰右都御史總督南京糧儲

戊寅傳陞太醫院使方賢左通政仍署院事舊止太常太僕

少卿順天府丞帶俸

已卯陝西右布政使宋有文為右副都御史巡撫甘肅順天

府丞丁川為左僉都御史巡撫延綏


辛巳祀宋太傅張世傑丞相陸秀天于崖山從廣東按察副

使陶魯言

壬午禱雪

乙酉夜月犯畢宿大星自五星流張宿五小星隨之

戊子勅曰異日朕叔郟王踐祚戡難保邦莫安宗社亦既有



年屬寢疾彌留之際奸臣貪功生事妄與讒構請去帝號
先帝尋知誣枉深懷悔恨以次抵奸臣于法不幸上賓未及
舉正朕嗣承大統一紀于茲敢念親、用成先志其復皇帝
謚謚脩陵寢

庚寅准府永豐王祁鉞薨年四十一謚恭和

辛卯申國子監學規

壬辰設廣東高明縣


癸巳月犯明堂上星


乙未知縣黃著馮鎮嚴賓為試監察御史鎮賓俱南京太對

戊戌旌萊州知府熊瓚韶州同知方新成都同知李祥東昌
通判蕭彥敬河南布政使理問諸豫歸德判官陳獻賜誥勅
已亥上謚 恭仁康定景皇帝頌不詔


王世懋曰 景帝再造乾坤終貽 英廟子孫億萬年之
祚當時邸戾王之謚未愜人心大哉 憲皇追稱 景帝
所挽回元氣多矣臣以為既已帝矣改稱宗而不入廟不
為過也即以為大事不可數更如寶錄之之書邸戾王附
顯是矛盾不可並改乎


是年安南黎灝復遣陪臣何瑄陳瑾來言留使臣事及龍州








國家圖書館, NATIONAL CENTRAL LIBRARY, TAIWAN, R.O.C.






國家圖書館, NATIONAL CENTRAL LIBRARY, TAIWAN, R.O.C.







國家圖書館, NATIONAL CENTRAL LIBRARY, TAIWAN, R.O.C.





國家圖書館, NATIONAL CENTRAL LIBRARY, TAIWAN, R.O.C.





國家圖書館, NATIONAL CENTRAL LIBRARY, TAIWAN, R.O.C.






國家圖書館, NATIONAL CENTRAL LIBRARY, TAIWAN, R.O.C.






國家圖書館, NATIONAL CENTRAL LIBRARY, TAIWAN, R.O.C.




TIFFEN Color Control Patches


© The Tiffen Company, 2007

Blue	Cyan	Green	Yellow	Red	Magenta	White	3/Color	Black
[Blue patch]	[Cyan patch]	[Green patch]	[Yellow patch]	[Red patch]	[Magenta patch]	[White patch]	[3/Color patch]	[Black patch]





國家圖書館, NATIONAL CENTRAL LIBRARY, TAIWAN, R.O.C.






國家圖書館, NATIONAL CENTRAL LIBRARY, TAIWAN, R.O.C.






國家圖書館, NATIONAL CENTRAL LIBRARY, TAIWAN, R.O.C.



3393406 v.23

國家圖書館, NATIONAL CENTRAL LIBRARY, TAIWAN, R.O.C.





國權

成化十二年丙申

正月戊申命福建布政使官祭其山川先是大疫水旱斗米百

錢

壬子襄王瞻塔言 英廟時勅許世子郡王出游歲或四五

令禁之詔春秋各一出即日返

永順伯薛輔卒


癸丑前廣西布政使叅議

怙勢奪產事聞編管貴州鎮

國權

成化十二年


一



國家圖書館, NATIONAL CENTRAL LIBRARY, TAIWAN, R.O.C.



鹽官設遷孺木著



遠府

夜月犯天高星

甲寅月犯司怪星

丁巳夜大風

戊午 上南郊早值風不能燭伶官僵者數人

甲子撒馬兒罕土魯番各入貢

巳刻日交輝

乙丑鴻臚寺卿楊宣為禮部左侍郎

丁卯夜月犯東威星

二月乙亥朔日食

壬午襄府棗陽王祁鉅薨年四十謚安穆

丙戌進大學士商輅太子少保改禮部尚書兼翰林學士萬

安戶部尚書

丁亥運帑金餉宣大各五萬遼東十萬二千陝西十萬八千

榆林三萬密雲一萬

巳丑夜月食


辛卯免南陽彰德田租

災異諭脩省求直言

國權

成化十二年

二



國家圖書館, NATIONAL CENTRAL LIBRARY, TAIWAN, R.O.C.

辛丑翰林編修陳音為侍講

命御史分刷各省案牘

壬寅給獄囚藥餌

三月辛亥前右軍都督僉事劉端卒中年人世濟陽衛指揮使

壬子減內府供用物料

兵部左侍郎滕昭兵科都給事中張鑑選宿衛吏卒

癸丑勅巡撫四川右副都御史張瓚撫捕播州苗賊起致任

宣慰使楊輝任子

乙卯前軍都督僉事馮昇吳英俱署東督同知錦衣衛達官

丁巳巡按陝西監察御史許進言河南十五衛東起莊浪西
抵肅州綿亘几二千里所藉水利多規奪于勢家宜特設官
專理部議屯田僉事兼之報可

四月丙子理刑太常博士李延壽行人謝秉中周蕃陳道教徐
鏞知縣陳英鄧玘張銳瞿俊為監察御史
監察御史薛為學等請議戰守長策從之

陝西署都指揮僉事費登以戰原州死子梁襲都指揮

辛巳宥鎮遠侯顧溥罪奪俸三月以擅留錦衣邏人也

壬午增遼東陝西宣府榆林餉十三萬

